

КОМСОМОЛЦЕНДИ ЭРЯВИ ШИСТА-ШИС КЕМОКСНЕМС ТРУДОВОЙ ДИСЦИПЛИНАТЬ

СССР-нь Верховный Советъ Президиумонц Указон, кона лифтьф июнь 26-це шистонза, социалистический родинань трудящайхнень йоткса кеподсь трудовой энтузиазмань од волна.

Мордовиянь трудящайхне, комсомок тя исторический Указни оцю политический значения и анокламок стахановский всенародной движения 5-це годовщинацты, од вийса келепнесазь социалистический соревнованиять и стахановский движения, кемокснесазь трудовой дисциплина.

Саранский консервной комбинатонь работницатне комсомолкате Климова Настя, Королева Марусья и Кудрявцева Марусья выработкань нормасон пшкотькшнесазь 200 процентс. Синь няфнихть подлинна стахановский работань образец марнек рабочайн коллективти. Аф кальдявста работайхть котонивнай фабрикань комсомолкатневок. Приготовительнай цехонь работницатне-комсомолкатне Ветлугаевась июль ковонь норманц пшкотькшнесазь 140,1 процентс, Жукова комсомолкась—135,5 процентс. Но эряви азомс, што котонивнай фабрикань комсомольский комитетсь (секретарсь Ермаков ялгась) кальдявста ладязе рабочайхнень йоткса агитационно-массовой работать, соцсоревнования. Тянь коряс лисенди, што воря азф стахановкатнень работань опытсна аф йотафневи лия рабочайхненди и фабрикаса ульсть прогулонь 11 случай.

Сядонга аф кирдемшкакс и позоркс ащи ся факсть, што башка комсомольский комитетонь секретархне прогульщик комсомолценень лавгс либеральнойста ваномать сюнеда Ленинско-Сталинский комсомолть инголе тиендихть аф простямшка преступления.

Кепотьксонди, Саранский консервной комбинатонь комсомольский организацияса (секретарсь Копылов ялгась), кафта комсомолец Афанаевсь и Арзиньц прогулонкса максфт судс комсомолста апак патть и стания ульсть судедафт. Производствань ня диктирхненди Копыловсь макссь возможность озамс подсудимайн скамьять лавгс комсомольский билетсн мархта, позорямс комсомольский организация. Эряви азомс, што тя факть аф единичнай. Тяфтама фактт улихть Рузавкань комсомольский организацияса, коса прогулонкса судедафт 12 комсомолец, Ельниковань районца—6 комсомолец. И синь колгаст тя кизефкссь косовок апак ванонт. Ня комсомольский руководительхне няфтезь эсь пряснон политический близорукай руководителькс.

Эрь комсомольский организация, эрь комсомолецти эряви тюремс производстваса прогульщикнень, трудонь дезорганизаторхнень каршес, штоба СССР-нь Верховный Советъ Президиумонц Указон йотафтомс эряфс оцю чество.

Тонафнесазь СССР-нь Верховный Советъ сисемде Сессиянц

Молдавский республикань трудящайхне оцю интерес мархта тонафнесазь СССР-нь Верховный Советъ сисемде Сессиянц решениянзон. Ошева и велева сядот агитаторхт азонкшнесазь миронь сталинский политикать, кона пях яркай-станияфь Молотов ялгать докладса, азонкшнесазь Сессияса примаф закоттнень.

Свободнай Бессарабиянь трудящайхнень благодарностень чувстваснон азомс Магала—Кат велень 68 кизоса крестьянкась Илья Дерварсь. Сон азомс:

—Комсь кизода ламос тейнек

кудозонк изь варжаксне павазсь. Минь улеме угнетеннайхть, нищай-готфт, ашель мезде ярхцамс. Якстерь Армиясь тейнек кандсь румынский боярхнень кабаласнон эзда освобождения.

Советский властсь макссь тейнь тракс, кши, монь семьязе стяс пильгелангс. Бессарабиянь трудящайхне получасть великай прават, конат сформатфт Сталинский Конституция. Тяни минь карматама эряма стане жа радостнайста и павазуста, кода и Советский Союзонь минь братьяньке и сазоронь (ТАСС).

В. М. Молотов ялгась примазе Румынский Посланникъ Г. Гафенку господинть

Тя кизонь августь 13-це шистонза ССР-нь Союзонь Совнаркомть Председателец и Иностраннай Тевонь Народнай Комиссарсь

В. М. Молотов примазе Румыниянь од Чрезвычайнай Посланникъ и полномочнай Министрь Г. Гафенку господинть.

В. М. Молотов ялгась примазе Греческий Посланникъ Х. Диамантопулос господинть

Тя кизонь августь 13-це шистонза ССР-нь Союзонь Совнаркомть Председателец и Иностраннай Тевонь Народнай Комиссарсь

В. М. Молотов примазе Грециянь од Чрезвычайнай Посланникъ и полномочнай Министрь Х. Диамантопулос господинть.



СНИМКАСА: Красный узел станциянь железнодорожники-стахановце. Вярде рядса кяржи ширде види шири ашихть: вагононь ремонтонь слесарсь Офендерова ялгась, планонц пшкотькшнесы 190 процентс; комсомолец В. И. Харитонов ялгась, вагононь сцепщик. Алура рядса комсомолец П. Н. Кудрявцев ялгась, осматрщик-автоматчик, норманц пшкотькшнесы 200 процентс и комсомолка В. М. Батраковась осматрщиксь-автоматчиксь, норманц пшкотькшнесы 250 процентс. Фотось В. Иенинь.

Сембе вийть съора урядамать успешнайста йотафтоманцты

Организованна моли съора урядамась Кангуш велень „Путь к социализму“ колхозса. Колхозникне тя тевса работайхть трудонь оцю производительность мархта. Жнейкаса работай колхозникне С. А. Гуляйкин, И. Г. Шумкин и лама иля ялгат работань нормасон пшкотькшнесазь 150 процентс. Аф кальдяв кепотькст эсь работасост няфнихть и аватневок. Синь эрь шива кядьса нушендыхть 250 пулф. Аньцек аф ламода иляткшни работаса 4-це бригадась (бригадирсь Кантеев ялгась). Тясалятне пелемса лядемста работань нормасон пшкотькшнесазь 75 процентс. Аф стактя бригадась ащи колхозса инь мекольце вастса.

Колхознай правлениясь ванозе эсь штатнай аппаратонц и тись профессиянь замещения. Тяфта, например, инголи эрь фермать эса ульсь заведующай, а тяни кафць-ке ферматнень эса заведующайкс ащи фкя ломань. И тевсь йофси ашезь кальдявгад нят ферматнень эса, а меклангт, нинге сядонга цебярьгодсь. Фермань заведующайсь Кирдяев ялгась, фермаса рабочайхнень, кода лофца и ведень усксихнень, назем усксихнень кучезень паксянь работас, а сембе тевнень тиендсье сонць ськамонза.

Вов, илядыкс колхознень эса афоль шоре тиэмс тяфта, лишнай постоянной штатса работайхнень прважамс паксянь тевс.

Ф. Черепкин.

Ельниковский район.

Комсомолец-ударник

Минь колхозсонк колхозникне и колхозницатне, а сембода пях комсомолцене, активна работайхть съора урядамать эса. Августь 10-це шинцы зерновой культурань урядамать минь аделаск ни. Цебярьста моли работась Кузнецов ялгать бригадаса, коса лац ладяф рабочай вийсь, и сембе колхозникне аккуратна лисендихть работама.

Комсомолцене паксянь тевса няфнихть илядыкс колхозникненди стахановский трудонь образец. Колхозса лувондови 11 комсомолец и сембе синь работайхть сёра урядамаса. Комсомолец Кузнецов Ф. Г. тийсь ни колхозса 200 лама трудоши. Комсомолец Юрев лобогрейкаса работамста норманц пшкотькшнесы 200 процентс.

Минь прудяф плотинаньконь лангс тиеме ведмеления, коса тяни яжафнесайнек эсь сёроньконь.

Тяни комсомолцене оцю вийса аноклахть озимонь видемати. Синь сьавсть эсь лангзост обязательства ударнай темпса йотафтомс озимонь видематьке.

БАБИН,

Зубово-Полянский райононь Буденнайть лемса колхозонь комсомольский организациять секретарец.

Федор Дурнов.

ПОЭМАНЬ ШАДА

(Подражания Ельмеевти, Аламаевти и синь кодымсонды).



СНИМКАСА: Краснознаменной Балтийский флотонь командующийсь Владимир Филиппович Трибуц вицеадмиралсь. Фотогось М. Релкинть (Фото-клишесь ТАСС-ть).

Анокста васьфтемс од тонафнема кизоть

Павазу и радостнай советский школьникне разнообразнайста йотафнихть кизонь каникулань лядыкс шиснон. Синь мяльсна цебарьста ваймамода меле ушedom отличнайста и цебарьста тонафнема. Народнай образованиень отделхень и школань директорхень инголе ащи задача образцовайста анокламс од тонафнема кизоти школатнень, оборудовандам школьной инвентарть, анокламс сатомшка учебнай пособия.

Мельцанский районца аф сембе начальнай, аф полной средней и средняй школань руководителхне шарьхкодезь тя ответственнай задачать политический оцю значенианц. Тянь сюнеда районца 29 школатнень эзда августь 1-це шинц самс йотафтф ремонтсь аныцек 16 процентс, аныцек 5 школат анокт васьфтемс од тонафнема кизоть.

Школатнень эсь пингстост петемаснон колга заботендасть аныцек Кулдымса, Вертелимса, Ст. Федоровкаса, Надеждинскийса и Говруса. Таса школань директорхенди максихть оцю лезкс велень партийно-комсомольский организациятне. Тяфта, кепотьксонди ащи тевсь Кулдымса (школань директорсь Вельмискин ялгась), „Красный борец“ колхозса (школань директорсь Заварихин ялгась). Ня школатненьэса ни тялонди анолафт пенгатка.

Аф азомшка кальдявста ащи тевсь школань петемать мархта Лем. Майданца, Ингер Пятинаса, коса директоркс работай Глазов ялгась. Сон эсь воля тусь Ленинграду, а школась ащи апак петть.

Тяконь мархта эряви азомс, што райфоське тиенди тормоз школань петемати. Эсь пингова средствань аф нолдамать сюнеда лама школат ашихть палес петьфста.

Мельцанский районоти эряви улемс сяда чуткайкс и эрь шинь контрольда башка эряви вятемс руководства школань петемать лангса, штоба од тонафнема кизоти уলেখть аноклафт сембе школатне.

Е. Илюхин.

Вай, вай, вай, вай, вай,
Оцю канькс мумань:
Минь поэтоньке
Стихонь шада тисть.
Шадось келемкшни,
Фатни велетнень,
Мокшень школатнень
И читальнень.
Сонь волнанц эзда
Аф фкя ляпиясь
Цёра, од стирня—
Школав яксине.
Корхтайхть, пятналангс
Тату *) бабаньге
Шадось сатозе,
Вечна матозе.
Бабать ваноме
Уевдсь венежса
Содаф Полюнясь—**)
Депутатоньке.
Корхтайхть, сёрмадсь сон
Кагод оцю пяк:
Суду макссьне
Шадонь тиыхнень:
Елемеефнень
И синь ялгаснон.
Куду тумстонца
Полюсь пуромксса
Вал кирьдсь—речь тиендсь,
Вов сон тяфтама:

„Алят, аванят
И од ломанят!
Сире пинкт улендсь,
Стакаль эрямась,
Сясы пичефксуфт
Улендсь мороньке—
Седи ваксастонь
Лямбе ёроньке.
Ну, а тани вдь,
Тинцьке содасасть,
Валда шит тейнек
Эрямс ашемс састь.
Морот павазуфт
Зойфтихть стиреньке,
Гордай морхт азыхть
Эрек пёраньке.
Эрьгав вайгяльсна
Кепсихть седицень,
Оцю вий максыхть
Тевцень тиеста.
А поэтоньке,
Ялгат, месендихть?
Пряснон што ли синь
Тяфта тешендайхть?
Эздост ламонце
Аныцек тевс кярьмодсть,
А поэмат ви
Ляйшкат стряпондасть.
Эсост аварьдезь
Най синь пичедихть,
„Ох, ох, вай, вай, вай“
Куфкснезь тиендихть.
Тяфта ловажань
Вельксса явсекшнесть
Аныцек бабатне
Сире праваста.
Явсихть, пичедихть,—
Ялгат, бедась тя

Нинге аф оцю,
Кирдемшка нинге.
Ся пяк кальдяв ни—
Визькснон „катсь ноласть“:
Сембе фкя темать
Вельксса парендайхть.
Темась—сире пингсь,
Шини ловажась,
Вов мезь перьфкя синь
Пушкснезь оладайхть.
Ваныхть аерксть лангс,
Кяжъяихть седисна,
Кажнайсь сюцесы
Сонь поэмаса.
Виде, нулготькс шиц
Няфтемс эряви
Сире пингть—эряфть—
Шини ловажась.
Но аф станя вдь—
Олькесь-аварьдезь,
Марнек тапаряф
Мялень азондозь,
Кичкор—шаморды
Стихонь шудефтезь,
Политграмотать
Сейхтьфста азондозь,
Ковань стихфтома
Лац минь содасаськ
„Краткай курсть“ эзда,
Козя книгаста.
Вов мес велиге
Сайхть поэматне
Шадокс,—ляпийхть
Эздост ломаттне“.
Аныцек Полюсь азсь
Валонц мекольдезь,
Пешкодсть пуромксса
Сембе ломаттне:
— „Пяндрав лайкс шуди
Ня поэматнень
Эзда пирясаськ
Прудса веленьконь.
Эзгаст уендихть
Синь поэтне катк,
Оцю бедада
Пряньке ванфтомат
Лиихть менельге
Тейнек вастозост
Эрек, ару морхт,
Вийнь кафтонзайхть,
Конат таниень
Мази эряфть шнайхть,
Кальдяв койхень минь
Прястонок лунгфтайхть.
Синь ни латцесазь
Добрай седихне
Моронь молама
Тевонь содайхне“.
Вай, вай, вай, вай, вай,
Оцю канькс мумань,
Оцю беда ни
Тисть халтурщикне.

1940 к.

*) Тату—Н. Аламаевть „Миколкань Татусь“ поэмани героиняц.
**) Полюнясь—Г. Ельмеевть „Полю“ поэмани героиняц.

КЕМОСТА ТЮРЕМС СЬОРА УРЯДАМАСА ИМАФКСНЕНЬ КАРШЕС

„Красная Ожга“ колхозса сьора урядамась ушетф июльте 23-це шистонза. Тя работаса васенце шитнень пингстакиге сатф трудонь оцю производительность.

Пулфонь сотомаса работай Канайкина Надеждать звенань членонза сотнихть 350—422 пулф 300 пулфнень вастс. Тяфтажа вельф пашкотькшнесы работань норманц Макарова Афрасиньять звенацка, конанц членонза эрь шиня сотнекшихть 350—400 пулф. Колхозникне Макаров Михаил Степанович и Бакаев Иван П. пеелемса

лядезь 0,70 гектаронь нормать вастс лядендихть 1,5 гектархт.

Но эряви азомс, што рячок нят сатфкснень мархта тя колхозса лама и аф сатыкстонга. Колхозса ушедсь розень тялямась, а тарат и фкявок кяскав нинге аш. Звенатнень йоткса аш соцсоревнования, апок организовандак имафкснень каршес тюремась. Тянь ширес колхознай руководствати эряви шарфтомс инь оцю мяль.

М. Тарадаев.

С Шайговский район.

АНГЛО-ГЕРМАНСКИЙ ВОЙНАСЬ

Германский командованиять сводкасонза корхтави, што августь 12-це шистонза германский самолетонь эскадрильят атаковандазь Англиять южной и юго-восточнай побережьясонза порттнень и аэродропнень. Портсмут военнай портсь арась вишке бомбардировкань об'ектокс. Крвьастф оцю электростанция и верьфт, поврежденнайхть локне и портовой сооружениятне. Воздушнай вишке бойхнень пингста ульсь прафтф английский 43 самолет, виле аэродромса удалась машфтомс и частична крвьастемс ангратнень, мастерскойхнень и служебнай помещениятнень. Дуврть маласа прафтф кафта содонтф азростат. Воздушнай бойхнень пингста, конат ульсть тифт нятнень мельге, противниксь юмафтсь 30 самолет.

Моряса, Восточнай Саусендса, пикирующей бомбардировщикт атаковандасть торговай суднань караван. Торпедировандафт кафта парохотт, конатнень водоизмещениясна марса 5500 тонна. Колмоце пароходса тиевсь пожар.

Противникть августь 12-це шинь юмафксонза 92 самолет. Германский 24 самолет исть мрда эсь базазост.

Английский сообщениятнень коряс, германский авиациять Портсмутть доконзон лангс нападениясатсь аф оцю успехт. Бомбатне, конат прасть доконь окрестнестненьди, тисть пожар фкя складса. Ваяфтф 2 аф оцю суднат.

Кода содаф, Портсмутть и Темзать устьянц вельксса бойхнень пингста примосесь участия германский 500 самолет, синь эздост 39 прафтф.

Сембоц Англиять побережьянц видеса августь 12-це шистонза ульсь прафтф германский 61 самолет. Английский авиациясь юмафтсь 13 истребитель.

(ТАСС).

ФРАНЦИЯТЬ ПРОДОВОЛЬСТВЕННАЙ ПОЛОЖЕНИЯЦ

Французский правительствась вяти переговорхт южно-американский странань представительхнень мархта эстейнза продовольствиянь рамамать колга. Франциясь йорай получамс тани Аргентинаста 12 тьожань тонна эйдафтф сиволь, а тяфтажа Бразилияста сахар. Кда Франциясь аф получай сиволь иляста, то сон машфтсьне тяде сембе жувантонзон, сяс мес маластонь пингть синь сембе туйхть сиволени. Продовольственнай положениясь странаса ляткшии станяк пяк стакаста. Магазиттнень витринасонды повфтафт плакатт, коса пачфневи потребителхненди, што сахар, вай и сапонь мишендемс аш.

(ТАСС).

ЧУНЦИНТЬ ЛАНГС ЯПОНСКИЙ АВИАЦИЯТЬ НАЛЕТОНЗА

Августь 12 це шистонза Чунцинть лангс налетса участвовандась 50 японский бомбардировщик. 1940 кизонь майста савомок тя налетсь лувондови 25-цесь.

(ТАСС).

Ответ. редакторсь И. ЧУДАЙКИН.